

KOMMISJONSVEDTAK

2007/EØS/26/14

av 24. mars 2004

om mellombels marknadsføring av visse frø frå artane *Vicia faba* og *Glycine max* som ikkje stettar krava i høvesvis rådsdirektiv 66/401/EØF og 2002/57/EF(*)

[meldt under nummeret K(2004) 884]

(2004/287/EF)

KOMMISJONEN FOR DEI EUROPEISKE FELLESSKAPA HAR —

med tilvising til traktaten om skipinga av Det europeiske fellesskapet,

med tilvising til rådsdirektiv 66/401/EØF av 14. juni 1966 om markedsføring av frø fra förvekster⁽¹⁾, særleg artikkel 17 nr. 1,

med tilvising til rådsdirektiv 2002/57/EF av 13. juni 2002 om markedsføring av frø fra oljevekster og fibervekster⁽²⁾, særleg artikkel 21 nr. 1, og

ut frå desse synsmåtane:

- 1) I Frankrike er mengda med tilgjengelege frø frå bønnevikke (*Vicia faba*) og soyabønner (*Glycine max*) som er eigna for dei nasjonale klimatiske tilhøva og som stettar krava med omsyn til spireevne i høvesvis direktiv 66/401/EØF eller 2002/57/EF, ikkje tilstrekkeleg og kan difor ikkje dekkje etterspurnaden i denne medlemsstaten.
- 2) Det er ikkje mogleg å dekkje etterspurnaden etter frø frå denne arten på ein tilfredsstillande måte med frø frå andre medlemsstatar eller frå tredjestatar som stettar alle krava som er fastsette i høvesvis direktiv 66/401/EØF eller 2002/57/EF.
- 3) Frankrike bør difor fram til 30. april 2004 få løyve til å tillate marknadsføring av frø frå denne arten som er underlagde mindre strenge krav.
- 4) Utan omsyn til om frøa er hausta i ein medlemsstat eller ein tredjestat som er omfatta av rådsvedtak 2003/17/EF av 16. desember 2002 om likeverd for feltinspeksjonar som er utførde i tredjestatar med omsyn til frøproduserande planter, og om likeverd for frø som er produserte i tredjestatar⁽³⁾, bør andre medlemsstatar som er i stand til å forsyne Frankrike med frø frå denne arten, få løyve til å tillate marknadsføring av slike frø.
- 5) Frankrike bør fungere som koordinator for å sikre at den samla mengda med frø som løyvet omfattar i medhald av dette vedtaket, ikkje overstig den største mengda som er fastsett i dette vedtaket.

- 6) Dei tiltaka som er fastsette i dette vedtaket, er i samsvar med fråsegnen frå Det faste utvalet for frø og økslingsmateriale innan jordbruk, hagebruk og skogbruk —

GJORT DETTE VEDTAKET:

Artikkel 1

Fram til 30. april 2004 er det tillate med marknadsføring i Fellesskapet av frø frå bønnevikke (*Vicia faba*) som ikkje stettar dei krava som er fastsette i direktiv 66/401/EØF med omsyn til minste spireevne, dersom dei vilkåra som er fastsette i vedlegget til dette vedtaket og dei følgjande krava, er stetta:

- a) spireevna er minst slik som det er fastlagt i vedlegget til dette vedtaket,
- b) den offisielle etiketten skal vere påført opplysningar om kva spireevne som er fastlagt i den offentlege granskinga som er utførde i medhald av artikkel 2 nr. 1 del C bokstav d) i direktiv 66/401/EØF,
- c) frøa skal vere marknadsførde første gongen i samsvar med artikkel 3 i dette vedtaket.

Artikkel 2

Fram til 30. april 2004 er det tillate med marknadsføring i Fellesskapet av frø frå soyabønner (*Glycine max*) som ikkje stettar dei krava som er fastsette i direktiv 2002/57/EF med omsyn til minste spireevne, dersom dei vilkåra som er fastsette i vedlegget til dette vedtaket og dei følgjande krava, er stetta:

- a) spireevna er minst slik som det er fastlagt i vedlegget til dette vedtaket,
- b) den offisielle etiketten skal vere påført opplysningar om kva spireevne som er fastlagt i den offentlege granskinga som er utførde i medhald av artikkel 2 nr. 1 bokstav f) og g) i direktiv 2002/57/EF,
- c) frøa skal vere marknadsførde første gongen i samsvar med artikkel 3 i dette vedtaket.

(*) Denne fellesskapsrettsakten, kunngjort i EUT L 91 av 30.3.2004, s. 56, er omhandlet i EØS-komiteens beslutning nr. 121/2004 av 24. september 2004 om endring av EØS-avtalens vedlegg I (Veterinære og plantesanitære forhold), se EØS-tillegget til *Den europeiske unions tidende* nr. 12 av 10.3.2005, s. 10.

⁽¹⁾ TEF 125 av 11.7.1966, s. 2298/66. Direktivet sist endra ved direktiv 2003/61/EF (TEU L 165 av 3.7.2003, s. 23).

⁽²⁾ TEF L 193 av 20.7.2002, s. 74. Direktivet sist endra ved direktiv 2003/61/EF.

⁽³⁾ TEF L 8 av 14.1.2003, s. 10. Vedtaket endra ved vedtak 2003/403/EF (TEU L 141 av 7.6.2003, s. 23).

Artikkel 3

Ein leverandør av frø som ønskjer å marknadsføre dei frøa som er nemnde i artikkel 1 og 2, skal levere inn søknad om løyve til medlemsstaten der han/ho er etablert eller som han/ho importerer til.

Den medlemsstaten som det gjeld, skal gje leverandøren løyve til å marknadsføre den frømengda som han/ho har søkt om løyve til, med mindre:

- a) han er i sterk tvil om leverandøren er i stand til marknadsføre den frømengda som han/ho har søkt om løyve til, eller
- b) den samla mengda som det er gjeve løyve til å marknadsføre i medhald av det aktuelle unntaket, vil overstige den største mengda som er fastsett i vedlegget.

Artikkel 4

Ved gjennomføringa av dette vedtaket skal medlemsstatane gje kvarandre administrativ hjelp.

Frankrike skal fungere som koordinerande medlemsstat med omsyn til artikkel 1 og 2 for å sikre at den samla mengda som det er gjeve løyve til å marknadsføre, ikkje overstig den største mengda som er fastsett i vedlegget.

Medlemsstatar som mottek ein søknad etter artikkel 3, skal straks melde frå til den koordinerande medlemsstaten om den mengda som er førd opp i søknaden. Den koordinerande medlemsstaten skal straks informere den medlemsstaten som har gjeve meldinga, om godkjenninga vil føre til at den største mengda vert overskriden, eller ikkje.

Artikkel 5

Medlemsstatane skal straks melde frå til Kommisjonen og dei andre medlemsstatane om kor store mengder med frø som det er gjeve løyve til å marknadsføre i medhald av dette vedtaket.

Artikkel 6

Dette vedtaket er retta til medlemsstatane.

Utferda i Brussel, 24. mars 2004.

For Kommisjonen

David BYRNE

Medlem av Kommisjonen

VEDLEGG

Art	Sort	Største mengd (tonn)	Minste spireevne (% av reine frø)
<i>Glycine max</i>	(mognadsklasse: halvsein) Dekabig, Zen, Sapporo, Fukui, Safrana, Nikko, Celior, Giulietta, Paoki	2 500	75
	(mognadsklasse: halvsein til sein) Imari, Mariana	700	
<i>Vicia faba</i>	Divine, Gloria, Maya, Melodie, Victoria	3 980	80